



UNIVERSITÄTS-  
BIBLIOTHEK  
PADERBORN

**Cogitationes, Sive Considerationes Christianae Pro  
singulis Anni diebus**

Complectens Octobrem, Novembrem, Decembrem

**Nepveu, François**

**Monachii, 1709**

Dies 7. De Inferno.

---

[urn:nbn:de:hbz:466:1-60533](#)

Quām dignus est infelicitate sua , qui hacten  
felicitate privatur; quia neglexit tantum  
bonum , quod tantillo sibi pretio compa-  
rare poterat.

Pete a Domino nostro particeps fieri felicis  
hujus Benedictionis , quae erit hereditas Electo-  
rum ipsius , quia eam sanguinis sui pretio tibi  
meritus es: sed ut cum illis benedicaris , oportet  
te , sicut ipsi , vivere.

Mihi quoque , obsecro , ut benedicas.

*Gen. 27. 38.*

Qui enim modò libenter audiunt , & se-  
quuntur Verbum Crucis , non timebunt ab  
auditione æternæ damnationis. *Imit.*

*Christi lib. 2. c. 12.*

## DIES VII.

### De Inferno.

#### I.

Cælestis Paradisus locus est omnia com-  
prehendens bona : Infernus locus est  
omnia complectens mala ; cum me tibi o-  
stendero , & donavero , dicebat Deus Moy-  
si , omnia tibi bona ostendam , & donabo .  
Sic damnatus , cum Deum perdit , omnia  
bona perdit , & omnibus malis obruitur ;  
non est pars in ejus corpore , nec facultas

B 3

in

October.

in anima, quæ peculiare suum tormentum non habeat. Ipsius oculi cruciantur horrendis tenebris, & continuis lachrymis; ipsius aures clamoribus, ululatibus, & horrendis blasphemis, in quas, cum ipse prorumpit, tum ab alijs audit; ipsius gustus rabida fame, fitique, odoratus intollerabili fætore, tactus ardore ignis devorantis; ipsius imaginatio horrendis spectris; appetitus assiduo conflitu crudelissimorum, & violentissimorum animi motuum; memoria recordatione præteritarum voluptatum, quas cum presentibus tormentis comparat; ipsius denique voluntas motibus sibi invicem prorsus oppositis, desiderijs vehementissimis, at penitus inutilibus torqueatur. Inveniturne major infelicitas, quam semper velle, quod nunquam erit, à pennis videlicet liberari; & nunquam velle, quod semper erit; nimirum ardere, & pati. Intellectus denique crudelissimus, & fastidio plenis considerationibus, assidueq; miserrimi sui statutis memoria punietur. Ah! Domine, quis poterit comprehendere potestatem iræ tuæ, ejusque esse

Psal 89.

v. 11. &amp; 12. Etus exprimere?

II. Infernus non tantum est malum universale, sed malum insuper omnis intermissionis, & mitigationis expers. Intermis-

missione caret, quia nec Deus, qui author  
est pænarum reprobis inflictarum, nec dæ-  
mones eorum tortores unquam fatigan-  
tur, & ij, qui tormentorum istorum sunt  
scopus, eorumque peccata, velut suppli-  
ciorum causa, persistent semper. Infer-  
nus in omnem æternitatem damnato idem  
prorsus erit, qui primo momento est, quo  
in illum præcipitatur. Pœna damnato-  
rum malum est nullam interruptionem, &  
solatium admittens. In hac vita non in-  
venitur malum, quantumcunque grande  
id sit, quod non aliquid relaxationis, aut  
levaminis habeat. Si violentum est, du-  
rare longo tempore non potest; si violen-  
tum non est, tolerabile est: sed in inferno  
violentia diuturnitate non minuitur. Pa-  
radisus cælestis est bonum quoddam pu-  
rum sine permixtione ullius mali; infer-  
nus est malum purum absque permistione  
ullius boni. Potestne minus inveniri le-  
vamen illo, quod flagitabat perversus ille  
Dives, guttam videlicet aquæ ad refrige-  
randam linguam suam igne devorante suc-  
censam? & Abraham, vir ille charitatis a-  
deò studiosus eam ei negat: Recordare,  
ajebat ipsi, te nullam tibi, cum viveres,  
voluptatem negasse: idcirco nulla tibi  
nunc conceditur.

October.

III. Infernus non malum duntaxat est  
vniversale, & omni carens levamine, sed  
omnis etiam spei expers. Quantumvis  
malum aliquod grave sit, solamur nos, bre-  
vi nos eo liberandos: spes ipsa licet vana,  
licet fallax, malum mitigat. Solamur  
nos, nosmetipso decipiendo. At da-  
mnatus spem habere non potest, ne falla-  
cem quidem: quovis momento cogitat,  
nihil sibi sperandum. Quam crudelis cogi-  
tatio! multum pati, multumque sperare,  
est parum pati. Pati parum; sed sperare  
nihil, est multum pati: sed pati multum,  
& sperare nihil, omnium misericarum con-  
geries est; atque haec est fors damnatorum,  
qui pro haereditate sua, praeter desperatio-  
nem nihil habent. Eo tandem devoluuntur  
spes fallaces pœnitentiæ, qua dæmon nos  
iudicat, qua nobis ipsis blandimur, &  
quæ, cum efficiat, ut vitæ emendationem  
semper procrastinemus, sub obtentu, de  
ea commodiore tempore cogitandi, nos  
impedit, ut ad bonam frugem non redea-  
mus.

*Statue velut leves tibi proponere omnes pœ-  
nas, queis pœnitentia te subiicit, cum tueatur  
te adversus pœnam adeò horrendam, ut est illa  
infernī.*

Quis

Quis novit potestatem iræ tuæ , & præ Octobr  
timore tuo iram dinumerare. Psal. 89. 11.

& 12.

Quid tam miserum, quām semper velle,  
quod nunquam erit ; semper nolle, quod  
semper erit. Bern. de Consid.

## DIES VIII.

### Incitamenta , & Affectus Contritionis.

#### I.

TU, Domine, me non creāsti, nisi, ut te  
amarem, ut tibi servirem, & salutem  
æternam obtinerem : & ego vixi, quasi in  
mundum non venissem, nisi, ut te offen-  
derem, & damnationem sempiternam in-  
currerem. Si enim ita se res non haberet,  
potuissimne vitam meam aliter institue-  
re ? tu nihil omisisti, quo me ad tibi ser-  
viendum, tēque amandum obstringeres ;  
omnia media mihi suppeditarāsti, ut me ad  
hoc præstandum juvares ; ad hoc impellere  
me voluisti tuis beneficijs, ad hoc ursisti  
me tuis gratijs. Sed, proh dolor ! omnia hæc  
media neglexi, & beneficijs nonnisi tur-  
piter ingratū, & gratijs tuis nonnisi jugiter  
perfidum animū rependi ; imò ex ipsis tuis

B 5

be-